

西藏圖考

翰仙題

西藏圖考卷之三

楚南黃沛翹壽菩甫手輯

滇南李培榮華廷甫付梓

河間李文江蓉航甫同校
楚南李宏年壽廷

西藏程站考 詩附

雍正五年副都統鄂齊內閣學士班第四川提督周
瑛於巴塘之西察木多之東勘定疆界立界碑於南
墩之甯靜山山以東屬巴塘山以西屬藏地其由南
墩西行一百四十里之江卡爲入藏門戶故敘藏程
自江卡始其地名里數皆以西域志爲主各部紀載

有不同者一一加注於下以資行路者之考證焉

江卡五十里山根尖七十黎樹宿計程一百二十里

江卡半隅平坦爲藏爐大道係巴塘乍丫之中途亦達拉宗希桑昂邦拉籠春朋官角等處之捷徑也向隸青海雍正元年分隸西藏後以窮番偷劫分駐守備一員把總二員外委一員設兵巡查防守焉其疆域東至邦太甯靜山界一百九十里西至阿足山界三百十里有漢人寺在南墩每年七月巴察二地客民皆雲集貿易如內地廟會

江卡行四十里過淥河十里至山根上大雪山終年

積雪卽盛夏亦涼飈刺骨復越小山上下七十里至

黎樹

一作力黍按黎樹至王卡通稱惡入站

有人戶柴草塘舖換烏拉

王我師谷黍詩

踏破層冰敢憚寒惟憐將士怯衣單相將覓得牛羊乳團坐山隈尚飽餐

楊揆黎樹山詩

山靈不容人作勢有餘怒但聞人聲喧飛電急如弩徒御宿相戒毋敢試

莽鹵攀援乍升巔屏息視步武俄焉雲蓬蓬礪碑半崖吐驟傾萬斛珠殷空雜鉦鼓蜥蜴紛閃屍破石肆

飛舞竭來偶假道惡劇亦何王我師江卡詩
不憎山

苦倏忽過前峯晴曦正卓午王我師江卡詩
不憎山

黎樹

五十里

阿拉塘尖

六十里

石板溝宿計程一百十里

黎樹過漫坡樹木環映五十里至阿拉塘

一作阿窄拉屬阿布

拉有人戶柴草換烏拉番人頗刁頑不馴又過小雪

山二高下迂折六十里至石板溝有人戶柴草駐防

塘舖有頭人供給差役

王我師阿布拉詩

獨木爲梯土作樓層層低壓暗雲頭牛羊氣觸煎茶竈猿鳥聲連念

佛喉坐對晚山風烈烈起看殘月雪浮

王我師石板

溝詩

山環樹接亂雲鋪水盡雲飛山亦孤遙望爨煙山色裏崎嶇無路可奔趨

石板溝

八十里

阿足塘宿

石板溝西南行過大山二寒輝騰耀射目迷離上下

無可駐足行人裹糧而前八十里至阿足塘

乍丫屬一作阿

足蠻性難馴頗稱狡猾有駐防塘舖有頭人給役

王我師阿足詩

盡日山中未有涯更憐宿處野人家捧來酥酪灰凝面馬糞鑪頭細煮茶

阿足塘

五十里

歌二塘尖

五十里

洛加宗宿計程一百里

阿足塘過漫山二阿足河一水勢洶湧五十里至歌

二塘

一作噶爾又作噶爾

經平川二十里上山三十里路最險

至洛加宗

一作谷家宗

有塘鋪頭人供給烏拉

王我師洛加宗詩

嶺高懸月小澗窄受風長樹樹留殘雪人人怯早霜預愁樓宿苦猶

念起行忙已到乍丫地何須說裡塘

洛加宗

四十里

俄倫多尖

四十里

乍丫宿計程八十里

洛加宗沿溝而上傍山行路紆曲稍平第偏仄多偏

橋四十里過木橋至俄倫多

一作臥龍多

有柴草人戶復

西南行四十里至乍丫有寺院礪房柴草駐防塘鋪

換烏拉此地番民習性桀驚駕馭亦復不易

乍丫

三十里

雨撒尖

六十里

昂地宿計程九十五里

乍丫在江卡西南卽會典圖註之札雅廟也昔爲闡

教正副胡土克圖掌管

胡土克圖唐古特語不迷性之謂一作胡圖克圖一作呼

圖克圖皆音相近也

康熙五十八年大兵定藏之後

頒給胡土克圖印信係闡講黃教那門汗之印清字蒙古字

唐古特字三樣篆文正胡土克圖住坐乍丫寺院副

胡土克圖住坐卡撒頂寺院設有守備一員把總二

員外委二員分駐塘汛其疆域東至阿足塘界一百

七十里西至八貢塘界三百四十里南至擦哇岡北

界官角

乍丫順溝行石徑蠶叢道多梗塞三十五里至雨撒
塘有人戶柴草復西行過大雪山路甚陡險積雪如
銀煙嵐之氣輒中人作病上下六十里至昂地一作囊地
有駐防塘舖有刺麻供給烏拉

王我師雨撒塘詩

遙瞻樹色與山齊幾處人家傍水樓未晚閉門愁虎過選晴曉起訝

鳩啼寒侵自是風來急氣暗應知霧下王我師昂地
低到此何須懷顧慮穿林越嶺任攀躋
詩此山殊不類寒暑匝相尋澗氣掠鬚凍土香撲鼻
深峯高欺路細岸窄狹波陰日暮欣樓宿搖搖動
素心

昂地

三十里

噶噶尖

六十里

王卡宿計程九十里

昂地順溝行三十里至噶噶上大雪山亂石崎嶇積雪層疊秋濤怒湧路復曲折上下行人肌寒起粟手指皸裂六十里至王卡有人戶柴草頭人換給烏拉有塘舖

王卡二十里三道橋尖三十里巴貢宿計程五十里

王卡經熱水塘二十里至三道橋路平又行二十五里紆折上山路轉峯迴五里至巴貢塘有塘舖柴草有頭人供給烏拉

巴貢六十里苦弄山尖四十里包墩宿計程一百里

巴貢上大山或降或陟終日蹠躐於荒山中六十里

至苦弄山根

亦名窟窿山

山多石穴大者如堂如室小者

如戶如牖張呿翕闢掩映迴環上山行拘折而下四

十里至包墩有頭人供給烏拉

王我師包墩詩

馬繫斜陽傍短籬風沙滾滾檻前移忽聞人語喧聞處驚顧班鳴月上時

包墩

七十

猛卜尖

八十

察木多宿計程一百五十里

包墩沿河行十里過大山一小山二懸崖絕壁偏橋

列如雲棧崎嶇難行上下六十里至猛卜

一名孟鋪一作蒙布

又作蒙堡

有礪房柴草在山凹之中沿山臨河復沿河登

山行二十里過大山地名小恩達路多偏橋險窄不

可騎行六十里過四川橋抵察木多

即昌都

有土城居

民二百餘戶換烏拉

王我師蒙堡塘詩

一從投筆赴西遊歷險經危春復秋踏雪應知牛背穩可能網載坦

無憂王我師察木多詩

靈山接引向東來關地重門一洞開二水雙橋圖裏畫五花兩

陣望中臺南天回首嗟窮杳西藏登堂豈易迴到此應從何處想慈航有渡莫疑猜

自江卡至察木多十站共計程九百七十五里

西招圖略作九站共計程九百九十五里

察木多

四十里

俄洛橋尖

三十里

浪蕩溝宿共計七十五里

察木多

一作叉木

在乍丫西北即古康地古稱前藏一名

喀木界通川滇其北河有四川橋南河有雲南橋江

巴林寺係江心濯結所建寺左水名昌河寺右水名

都河故又名昌都昔屬闡教胡土克圖掌管康熙五

十八年

頒給正胡土克圖印信住坐察木多大寺其副胡土克圖住

坐邊壩之西甲喇大刺麻寺又有昌諸巴

一作倉儲巴

五

家札聰所管大小寺院五十座復設糧務一員遊擊

一員千把外委各一員以爲控制其疆域東至包墩

界一百四十里西至牛屎溝界三百九十里南至結

黨北至隆慶界爲四川雲南青海入藏總匯之區其

風俗崇信浮屠生子半爲刺麻喜啖生物不尙滋味

喪葬或付水火或投鷹犬夷情難以頓革惟臘月念

八仲春望日頗合漢人翦綵迎牛之意

察木多由南河而進偏仄多偏橋行者戒焉水複山

重路通各部番境四十里至俄洛橋一作惡有人戶

路稍平三十五里至浪蕩溝有礪房柴草可棲止焉

楊揆皮船詩剡木製爲舟利用涉水可大如艚與航

指迷師用篙躡險工喚柁今來藏江側厲揭測誠巨

洪濤若奔翻巨石聳破礮番人誇蕩舟舟小殊渺麼

外圓裁皮蒙中虛截竹荷淺類管可盛欵訝筐欲簸

著足當中央俯身戒側左形模嗤渾沌軀殼僅螺贏

傍岸任孤行邀人祇雙坐俄驚層波掀真擬一壺安

駭耳聲錚撻眩眼勢鬼矼附毛識命輕存鄴嗟身瘡

相觸心母褊羣爭指休墮微生慣江湖到此良坎珂

倘從魚腹遊甯殊馬革裏曾聞慧海航止泛蓮花朵

彼岸幸非遙津梁勿慵惰按達顏崇古爾渡在滾卓

克宗城北三百八十里察木多番人往西海者由此

用皮
船渡

浪蕩溝

一百里

拉貢尖

六十里

恩達寨宿計程百六十里

浪蕩溝二十里至裏角塘進溝上山由偏橋行險如

前雪凌滑甚且有瘴氣八十里至拉貢有塘鋪碓房

柴草有頭人給役二十里過松羅橋

昌都屬

上山四十

里至恩達寨其重役夫馬則類烏齊倉儲巴供給焉

恩達寨

六十里

牛糞溝尖

九十里

瓦合寨宿計程百五十里

恩達寨二十里過恩達塘有塘鋪二十里過喇貢山

一作拉貢

二十里至牛糞溝二十里過瓦合山高峻且百

折山上有海子烟霧迷離有望竿合週天數矗立於

土臺之上如大雪封山時必藉以爲嚮導過此戒勿
出聲違則冰雹驟至山中鳥獸不棲四時俱冷上下
逾百里無炊烟二十里過肱膊梁下山三十里過瓦
合塘有塘鋪又二十里至瓦合寨隸類伍齊有頭人
供役

楊揆瓦合山詩

連峯百餘里溪澗互縈抱拾級身漸
高橫空斷飛鳥晶瑩太古雪山骨瘦

而槁浩浩驅長風撲面利如爪爲怯度嶺遲預屬戒
途早懸崖月魄青墮壑燈焰小盤盤巨石蹲落落枯
松倒狀疑獅鬚髯勢若龍夭矯足疲苦躡躡目眩失
窈窕問程無來踪計里少立表山厂屋數椽傾側短
垣繚於此置急郵輕騎馳閒道重煩驛吏迎好語問
寒燠饑腸任粗糲羸馬戀芻藁少憩難久留憧憧寸
心擾乍見晴光來午日露分杪積陰所醞釀慘淡失
昏曉疾下緣陂陀百折路逾拗山靈太狡獪刻畫弄

神巧本來絕攀躋誰使強登
眺俯仰嘆勞人鬚鬢此中老

瓦合寨

四十里

麻利尖

四十里

嘉裕橋宿計程八十里

瓦合寨西南行四十里至麻利

一作麻里

有碣房柴草十

里過山山勢高峻下山繞河而行偏橋疊見三十里

至嘉裕橋

番名三壩橋一作三巴橋一作嘉玉橋又作假夷橋

有碣房柴草兩

山環抱一水中流天氣暄和地土饒美有塘鋪

楊揆嘉玉橋詩

悄悄日西下濺濺水東流倦客暮投宿悽然生遠愁仄徑俯深壑支崖夾

寒秋橫空駕飛梁蹴浪驚潛蚪淡月一回照千峯影如浮山重水更復歸路何其修

嘉裕橋

二十里

鼻奔山根尖

五十里

洛隆宗宿計程八十里

嘉裕橋西南行上得貢喇山山勢陡峻上下二十五

里詰屈如蛇形有松林路悉險窄多溜沙地五里過橋至鼻奔山根五十里至洛隆宗有礪房柴草換烏拉有塘鋪

附錄類伍齊

一作類烏齊

在察木多西北係由草地進藏

經道原隸西藏康熙五十八年

頒給胡土克圖印信住坐類伍齊大寺該地刺麻俱於城內居住所部番民居黑帳房者多住土房者少雍正四年會勘疆界將類伍齊地方遵

旨賞給達賴刺麻其疆域東至察木多之狼古山爲界西至喇里界南至達隆宗界北至洛隆宗界其瓦合麻利